



## ԼՈՆԴՈՆԱՀԱՅ ԵՐԻՏԱՍԱՐԴԱՅ ԽՄԲԻ ԱՅՑԵԼՈՒԹՅՈՒՆԸ ՄԱՅՐ ՀԱՅՐԵՆԻՔ ԵՎ ՍՈՒՐԲ ԷԶՄԻԱԾԻՆ

Հայաստան, սուրբ երկիր և մեր  
հայրենիք, որտեղ գտնվում են մեր  
սրտերը...

Հայաստան...

Աշխարհի երեսին կա լեռներով կնճռա-  
պատ մի երկիր: Պատմության ընթացքում  
բազմիցս ասպատակող այրուձիների սմբակ-  
ները, վայրագ ամբոխի արյունոտ կոտորած-  
ներն ու բնիկ ժողովրդի վիշտն ու կարիքն  
են կերտել այս երկրի ամեն մի կնճիռը:

Հայաստան...

Աշխարհի երեսին կա սրբազան մի հողա-  
կտոր, որի վրա ապրող ժողովուրդը, հարա-  
նորոգ հոգով, երկնել է, ստեղծել ու կառուցել.  
աշխատել է ու քրտինք թափել, կռվել է, զոհ-  
վել ու պահպանել: Եվ այն, ինչ երկնել է,  
ստեղծել ու կառուցել, այն, ինչի վրա աշխա-  
տել է ու քրտինք թափել, այն, ինչի համար  
կռվել է, զոհվել ու պահպանել այս ժողո-  
վուրդը,—սուրբ է:

Հայաստան, սուրբ երկիր և մեր հայրենիք:  
Այս հողի համար է բաբախում աստղերի պես

աշխարհով մեկ սփռված յուրաքանչյուր հայի  
սիրտը: Յուրաքանչյուր սփյուռքահայի աչքե-  
րի մեջ կարոտ կա՝ Հայաստանի կարոտ:  
Յուրաքանչյուր հայ, երբ Հայաստան է գա-  
լիս, ուխտի է գալիս որպես սրբազան մի  
ոխտավայր:

Հայրենիքը ուժ է, հայրենիքը հպարտու-  
թյուն է ու բոցավառող կրակ այն հոգիների  
համար, ովքեր թուլանում են ու սկսում հան-  
գել որպես հայ՝ օտարության մեջ:

Այս տարի էլ ուրախություն էր Մայր Աթոռ  
Սուրբ Էջմիածնի համար. Անգլիայի մայրա-  
քաղաքից տասնմեկ պարման-պարմանուհի-  
ներ, առանձին խմբով, հյուր էին եկել մայր  
հայրենիք և Սուրբ Էջմիածին: Խումբը հայ-  
րենիք էր ժամանել մեծ ոգևորությամբ և ար-  
դեն ավանդական դարձած հատուկ ծրագրով.  
ոչ միայն տեսնել, ճանաչել հայրենիքը, այլև  
սովորել հայրենին. ոչ միայն կարոտալի սըր-



տով ըմբռնել հայրենի բնության վայելքները, այլև սովորել հայեցի նիստուկաց, ըստանալ հայեցի ուսում (հայոց լեզու, հայ պար ու երգ) և այլ տանել օտարության մեջ գտնվող իրենց ընկերներին, բարեկամներին, ազգականներին:

Խմբի ղեկավարն էր Մայր Աթոռի միաբան Ս. Հովնան աբղ. Տերտերյանը, որը նոր ավարտելով իր ուսումը Անգլիայի Օքսֆորդի համալսարանում, խմբի հետ վերադառնում էր Մայր Աթոռ:

Լոնդոնահայ երիտասարդների խումբը Հայաստան այցելեց սույն թվականի օգոստոսի 21-ին: Հայրենիքում գտնվելու առաջին օրն իսկ նրանց ընդունեց, բարի գալուստ մաղթեց և իր հայրական օրհնությունները բաշխեց Ամենայն Հայոց կաթողիկոս Վազգեն Ա Հայրապետը:

Այնուհետև նրանք տեղավորվեցին Արագածի գեղատեսիլ լանջին գտնվող «Հայկաջեն» հայրապետական ամառանոցում, աստվածաշնչական Արարատի հայացքի տակ:

Շաբաթվա մեջ, առավոտից մինչև կեսօր, հատուկ ծրագրով, երիտասարդների համար անցկացվում էին հայ երգի ու պարի, հայոց լեզվի ուսուցումներ, որոնք կազմակերպել էր Սփյուռքահայության հետ մշակութային կապի կոմիտեն: Իրենց ազատ ժամերին երիտասարդները հրճվանքով էին դիտում հայրենի երկրի նվաճումները: Նրանք եղան Երևանի տեսարժան վայրերում, հուզմունքով աղոթեցին Ծիծեռնակաբերդի երկու միլիոն հայ նահատակաց հուշարձանի առաջ, Էրեբունիի ամրոցի ավերակների վրա վերհիշեցին ուրարտական պետության փառքը, եղան Սուրբ Մեսրոպ Մաշտոցի անվան Մատենադարանում, և նրանց սիրտը հպարտությամբ լցվեց, այցելեցին Հայաստանի Պետական պատկերասրահ, Պատմության թանգարան, հիացան Երևանի մետրոպոլիտենով, ունկնդրեցին անվտանգական «Անուշ» և «Ալմաստ» օպերաները, ներկա եղան Հայաստանի երգ-պարի անսամբլի ելույթներին: Նրանց պատանեկան հոգին ազահոությամբ կլանում էր հայրենի երկրի ամեն մի ուշագրավ երևույթ: Երևանում նրանք քայլում էին գլուխները բարձր պահած, տանտիրոջ նման, հպարտ, որ հայ են և հայրենիքում:

Երիտասարդները եղան Էջմիածնում և աղոթեցին լուսավորչահիմն Մայր տաճարում: Եղան Ս. Հռիփսիմե, Ս. Գայանե, Ս. Շողակաթ վանքերում, Հին և Նոր Վեհարաններում, Էջմիածնի նորակառույց «Ալեք և Մարի Մանուկյան Գանձատանը»: Մայր տաճարում մասնակցեցին սուրբ և անմահ պատարագին՝ հաղորդվելով սրբությամբ: Նրանք շրջապատյուններ կատարեցին դեպի Գառնի, Ս. Գե-

ղարդի վանք, Սանահին և Հաղպատ, Կմայվեցին Սևանա լճով, այցելեցին Զվարթնոցի ավերակները, Օշական, Ամբերդ և Սարղաթապատ:

Երիտասարդները հանդիպումներ ունեցան էան բարձրագույն ուսումնական հաստատությունների ուսանողների, արվեստի ու մշակույթի գործիչների, Մայր Աթոռի միաբանների, հոգևոր ձեռնարանի ուսանողների և պարզ հայ ժողովրդի հետ: Ամեն տեղ նրանց ջերմությամբ էին ընդունում, և նրանք իրենց իզուր էին հարապատների մեջ:

Անգլիահայ երիտասարդները մայր հայրենիքում մնացին մինչև սեպտեմբերի 12-ը:

Մեկնումի նախընթաց օրը երիտասարդներին Վեհարանում կրկին ընդունեց Վեհափառ Հայրապետը՝ կիսելու համար նրանց տալու փորձությունները և պատգամներ տալու նրանց: Հայրապետը օրհնեց բոլորին՝ պատվիրելով հոգեպես միշտ կապված մնալ հայրենիքին, չկորցնել հայ լեզուն, հայ հավատքը և իսկ նկարագիրը:

Երիտասարդները ոխտեցին մինչև մահ հավատարիմ մնալ մայր հայրենիքին և Մայր Աթոռ Ս. Էջմիածնին:

Այնուհետև երիտասարդները Հայոց Հայրապետի առջև հանդես եկան գեղարվեստական ամփոփ մի ծրագրով, որը բաղկացած էր Հայաստանում իրենց սովորած հայկական երգերից ու բանաստեղծություններից: Վերջում խմբի անունից շնորհակալական խոսք ասաց Ստեփան Մելջորը:

«Վեհափառ Տեր, հանուն մեր խումբի բոլոր անդամներուն, Չերդ Սրբության կհայտնեմ անսահման շնորհակալություն ու երախտագիտություն, որ այս գեղեցիկ առիթը ըստեղծեցիք՝ հրավիրելով մեզ մայր հայրենիք, Սուրբ Էջմիածին: Ամենքս անչափ ոգևորված ենք հայրենի աշխարհի գեղեցկությամբ:

Այցելեցինք Սարղաթապատ, այն վայրը, ուր հայ մարտիկները թափեցին իրենց սուրբ արյունը՝ պահպանելու համար այսօրվան հայրենիքը: Անշուշտ, երբ կհիշենք Սարղաթապատը, կարելի չէ մոռնալ Գարեգին Հովսեփյանին, որը խաչն ի ձեռին, կառաջնորդեր հայոց բանակները:

Հայաստան մեր այցելության առաջին օրն իսկ զացինք Ծիծեռնակաբերդ, ուր բոլորս միասին, անշեշ կրակի շուրջ խմբված, երգեցինք «Հայր մեր...»:

Հպարտությամբ կրնանք ըսել, որ, հակառակ ամեն տեսակ չարչարանքներու, մենք՝ հայերս, կարողացանք ոտքի կանգնիլ և այս փոքրիկ Հայաստանի տարածքին վրա կերտել հրաշալի հայրենիք մը:

Սիրեցինք մեր ժողովուրդի հարապատ և ջերմ զգացումները: Առիթ եղավ, որ քանի



մը անգամ երիտասարդական պալատ երթանք, խոսինք երիտասարդներու հետ, տեղեկանանք իրենց կյանքի և ուսման մասին: Իրապես ուրախ ենք, որ այսօրվան Հայաստանի պայմանները հնարավորություններ կստեղծեն բոլոր հայ երիտասարդներուն ստանալու բարձրագույն կրթություն:

Հայաստան մեր այցելությունը անջնջելի պիտի մնա մեր հիշողության մեջ: Ասիկա գեղեցիկ պատեհություն մը եղավ ամենքիս համար՝ ճանչնալու մեր ապգը և մանավանդ՝ ճանչնալու մենք զմեզ:

Մեր սիրելի Վեհափառ Հայրապետ, կառուտանք, որ մեր պարտքը պիտի ըլլա՝ ոչ միայն կրկին վերադառնալ հայրենիք և Ս. Էջմիածին, այլև կառուտանք, որ պիտի քաջալերենք լոնդոնահայ մեր երիտասարդ

բարեկամները, որ իրենք ևս այցելեն այս սուրբ երկիրը, ուր մեր ամենուս սիրտը կբաբախի:

Կուխտենք հավատարիմ զավակներ մնալ Ս. Էջմիածնին և այսուհետև գործոն մասնակցություն բերել Հայաստանյայց եկեղեցիներու:

Թույլ տվեք, Վեհափառ Տեր, մաղթել Ձեզ երջանիկ օրեր և մատչիլ Ձեր Սուրբ Աջին՝ ստանալու համար Ձեր հայրական օրհնությունները»:

Հաջորդ օրը լոնդոնահայ երիտասարդները մեկնեցին Անգլիա՝ իրենց հոգիներում տանելով հայրենիքի անթեղված սերը և քաղցր հիշատակները:

ՀԱՅԿ ՍԱՐԿԱՎԱԳ ԶԻՆԻՏԱՐՅԱՆ

